

(B) Ilyas, Dahnil

PUSAT DOKUMENTASI SASTRA H.B. JASSIN

PADANG : HARTAN SINGGALANG


Tahun : 26

Nomor : 7181

MINGGU, 19 JUNI 1994

Halaman : 4

Kolom : 1 - 9



(59)

KALAU pagi kapatang, layi taiso dihalaman sajo nan latihan, tapi pagi kiniko, lah dibawonyo bajalan, babarih di jalan gadang. Jolongnya layi hingga langkah tegap sajo, tapi kudian lah disuruhnyo balari anjiang. Si Bujang nan jolong baraja babarih, lah dibawopulo balari-lari pagi hari, iyo taraso latiah bana. Agaklah dari asrama ditapi lawik, sampai ka Lubuuk Bagaluang balari-lari, nan dikomandan dukan juo dek Japangtu, palatiah nan gadang saringik pulo, lambek saketeck kanai rotan. Babaliak ka asrama lah pukua sapuluah. Layi dapek lapeh panek sabatang rokok, sudahtu lah baulang pulo babarih. Nan saharitu si Bujang iyo acok kanai bangih, maklumlah dek itu baru mancubo babarib babarib, sampai dihelonyo bagai talingo si Bujang dek tukang latiahu. Tapi si bujang saba sajo baru, walau hatinyo sakik.

Kok dicaliak dalam latihan tiok hari, nan si Bujang iyo acok kanai bagero, tapi layi alun kanai lampang layi. Kok talingo nan diijuk Japang iyo hampia tiok hari. Tapi indak dek ongok bana si Bujang do, sambab nan kawan-kawannya, layi nan lah duo minggu bagai baraja babarib, ado juo nan lah sabulan, sadangkan si Bujang baru tigo hari baru masuak. Baitu juo si Bujang acok kali talambek masuak barisan, labiah-labiah sudah makan tangah hari, dek paralu mangarajoken sumbahyang daulu. Tampaknya Japang nan tukang latiah, lah jajok bana si Bujang nan pak. Sabab sangko hatinyo si Bujang galia jo pamaleh, in-

dak mamatuhi disiplin tantara. Nan si Bujanglah jajok pulo mancaliak hancok nyo tu, nan salalu bangih kalau talambek dek sumbahyang.

Hari nan kasalapan Bujang baraja babarib, lah sudah apel pagi, barisan kadibawo pulo balari kuliliang kota Padang. Kawan-kawan Bujang lah langkah tegap kajalan gadang, tapi si Bujang tacicia sorang, karano indak talok payi balari, sabab tumiknya luko dek sipatu, lah mambahkak mangalupuh bananah, mungkin deh itu baru mancubo basipatu. Kok nan biasonyo payi baburu karimbo bakaki ayam sajonyo, indak talok dek duri bagi do. Mancaliak si Bujang indak masuak barisan, tabik juga malah Japang nan malatiyah. Dituruiknya si Bujang nan sadang duduak, disuruhnyo tagak basiap. "Bagero" kecek Japangtu, langsung tangannya malayang malampang si Bujang. Mulo-nyo nyo lampang pipi sabalah suok, sudahtu dapek bagian pulo papi sabalah kida. Bujang indak manggarik dari tagaknya, tatap juo dalam kadaan siap, pandangan matonyo luruk, juo ka muko. Dalam hati si Bujang mangecek. "Cubo banalah dek ang bara katalok, rasokan pulo beko balasan den". Sambia mamiciangkan matonyo tampak bibia si Bujang manggarik-garik, antah apo nan dibaconyo.

Mancaliak muko si Bujang tampak bakilek, tambah bangih malah Japangtu, Jo tanago nan panuah nyo ulang malampang sakali layi. Kawan-kawanya nan manonton hiba bana mancaliak si Bujang di azab Japang, tapi apolah kadayo, kaditolong tantu tak kamungkin, bak manolong ur-

ang dek labah. Tapi Tuhan Maha Kuaso, si Bujang nan kanai lampang. Japangtu nan taduak, sambia mamagang pangkalangannya sambia maluluang manahan sakik. Tibo Japang nan sorang layi, nam jadi palatiah pulo dibarisan lain. Dicaliaknya kawannya nan kasakanan, nan lah babuya aia liuannya, lansuang nyo gendong mambawo ka oto, dilaporkan daulu ka Tuan Takagawa, lansuang dilarikan karumah sakik.

Hari itu juo lah dituka pulo nan jadi palatiah barisan, lah lain pulo Japang nan maaja babaruh, layi ndak sanga banado.

Patang hari tu ado hari perai sajam, tapi indak buliah payi kapasa, hanyo disakaliliang pakarangan asrama sajo. Takanalah dek si Bujang nak bajalan-jalan karumah Tuan Takagawa. Komandan Kompi nan mambawonyo dari Payokumbuh bulan nan lalu, nan tampek tingganya layi di lingkungan asrama juo. Langkah elok dek si Bujang. Tuan Takagawa sadang duduak dibarando jo gundiknya, sadang minum sake tampaknya. "Selamat sore Tuan", kecek si Bujang, sambia tagak siap kerek. "Oh, Bujang San, ya selamat sore, silakan masuk", kecek Tuantu jo ramah. Bujang lah mahanyakan pulo ikuanyo dikoresi rotan, Tuan Takagawa mangecel ka gundiknya. "Kasi dia sake, bawa biskuit ke sini". Sambia mancaliak sendeng ka si Bujang. Gundi Tuan Takagawa bagageh kabalakang, kamuko baliak mambawo sacangkia sake jo kaleng roti, lansuang manyuruh si Bujang minum. Tuan Takagawa maonyukan rokok ka si Bujang, diambiaknya malah sabatang disalai sakali. Si Bujang batanyo ka Tuan Takagawa, tantang Japang palatiahnya nan dibawo karumah sakik cako siang, apo sakiknya dek tibo-tibo sajo. "Oh, dia dapat darah tinggi, sekarang masih di optname di rumah sakit. Mungkin tangannya lumpuh, tak bisa lagi digerakan. Kata dokter mungkin tangannya mati sebelah. Kalau tak bisa diobati di Indonesia mungkin dikirim ke Tokio untuk pengobatan selanjutnya. Barangkali tak bisa lagi dipakai dalam tantara", kecek Tuan Takagawa agak sadiah. Si Bujang hanya maanguak-angguak, dalam hati inyo mangecek. "Rasainlah dek Ang, baa raso badan. Tampak lurah tak batu, ijuak tak basaga, lanteh bana angan

Iyo malah kironyo, Japang nan palatiah si Bujang tu, nan ringan tangan manampa si Bujang, dek indak juo pandai babaruh. Kabanyo lah lumpuh tangan sabalah, lah mati agaknya tangan suoknya tu, kok makan bagai lah jo tangan kida. Nan kecek dotor kan dek panyakik darah tinggi, tantu indak jaleh dek dotor Japangtu, lah talampang di urang nan 'barisi'. Dek indak katapakailai Japang tu untuak parang, kaantuak tukang tanak bagai indak kapanguno, Jan kamanyabuik manembakan sinapang, manganakan sirawa sajo lah minta tolong. Tapaso Japang nan lumpuhko dikirim lai ka Tokyo, dipulangkan kakampuangnya layi

Lah batuka pololai nan jadi palatiah Heho, ade pulo Japang nan alah agak barumua saketek, hampiang sabayo jo Tuan Takagawa. Namonyo Nakamura, agak randah pangkatnya baru, mungkin satingkek sarsan dek awak, nan tugehnyo mungkin komandan peleton, kalau Tuan Takagawa kan komandan kompi, mungkin mayor pangkatnya. Tampaknya Tuan Nakamura ko, layi indak gadang sirangi, layi agak elok dari Japang nan lumpuhtu, mungkin dek lah banyak pangalaman. Jo caro lunak Tuanko maaja urang, sahingga kawan-kawan banyak nan suko ka nyo. Duo pakan baraja barih-babaruh, lah sabana mantap kasadonyo. Kok caro tiarap jo malata bagai, lah samo maya anggota Hehotu, kok sumangek lah samo tabudua.

Dominggu nan katigo, lah meningke latihan, lah diajiahnya bakaraben ciek sorang, tapi alun diajiah bapelor lai. Hanyo diujuang sinapangtu di pasang bayonet, dilatihlah baa caro parang basoso, baa caro mancucuak lawan.

■ Basambuang